

前不以為力強而強固已多矣是渾樸之器也即大成之器也成是器而與天長存可矣

今捨慈且勇逐物捨儉且廣貪捨後且先急欲死矣不見乎道夫慈以

戰則勝仁者無敵以守則固靜以待之天將救之惟德是輔以慈衛之守位曰仁

又曰聖人三寶若是今或從而反之捨慈以就勇也捨儉以

就廣也捨後以就先也是三者皆有取死之理其不入於死

者幾希今且就慈一端言之小不忍者亂大謀臨事懼者无

祇悔慈忍則不敢輕敵而量敵故以戰則必致勝且慈忍則

必內謀之密外謀之周而敵乘無隙守何固也蓋是慈也天

所與也天將救人於塗炭之中恒開廣聖心之慈以為斯民

道藏輯要

道德經解

全

心集一
又川六

之衛乃聖既衛民而被其慈者亦從而衛之慈之可寶何如也而信與不先可例推矣

配天章第六十八

善為士者不武慈和善戰者不怒寬泰善勝敵者不爭安穩善用人者

為下小心翼異

光垣帝君注曰士戰士也行列之中以怯為勝惟能怯斯以

勝敵而不恃夫赳赳桓桓之武也善戰者以義制兵可進則

進不注於進可殺則殺不注於殺而無所用其怒而善勝敵

者恒以兵為不得已之為雖戰而有矜心初無所尚其爭也

至於用人之善亦初無他術也冲而抑之約而斂之善下而

已

是謂不爭之德好是懿德是謂用人之德天理自見是謂配天高明之極

大道乃明

又曰言此不武不怒不爭而善下也皆德也德而不自有其力者也德烏在是即不爭之謂也而不自有其力則且以用人之力矣渾渾而蕩蕩匪匪而巍巍是尚不可以配天而與古為徒至極而無以復加也哉

立用章第六十九

用兵有言託已設義吾不敢為主而為客任他為主我為賓不敢進寸而退

尺分寸之間進退火候是謂行無行莫慘於志攘無臂不得已仍無敵陣

道藏輯要

道德經解

全

心集一

交鋒定太平執無兵兩枝慧劍埋真土

光垣帝君注曰道德尊經八十有一篇其言兵者數篇非好談兵也所以甚惡用兵而垂戒也此篇通體雖是說兵實以喻道讀者勿以文害辭辭害義也用兵有言猶云古之用兵者曾有是說主則制敵之謂客則應敵之謂制敵則尚武尚爭應敵則不過敷衍應酬期無敗覆而已故善戰者不敢為主而為客也進寸則其進無幾而已居然進矣若退尺則退之惟恐不遠者也不主而客不進而退皆所謂守柔守虛而無或強與實矣凡軍行者必有行列而攘臂以爭之因敵以仍之持兵以執之若為客與為退則不陣而行之如無行也